

# Vuk'uzenzele

Produced by: Government Communication & Information System (GCIS) English/isiZulu Ncwaba 2019 Ushicilelo 2



**GBVF's  
lifelong  
effects on  
children**

**Page 5**




**Banyana  
Banyana  
inspires  
future soccer  
stars**

**Page 16**



**JOBS  
INSIDE:**

## Dr Nndanganeni explores the galaxy



■ Dr Rendani Nndanganeni loves researching the impact of radiation on aviation.

### More Matshediso

**N**early 10 years of tertiary study and a passion for physical science earned Dr Rendani Nndanganeni (33) her dream job as a space science researcher at the South African National Space Agency (SANSA). SANSA is a government agency that reports to the Department of Science and Technology, and is part of the worldwide network of space weather centres and magnetic observatories. It plays an important part in monitoring the near-Earth space environment. In simple terms, the agency works mainly with satellites. After completing matric in rural Limpopo, Dr Nndanganeni's decade of tertiary

• Cont. on Page 2



ALSO AVAILABLE ON:





@VukuzenzeleNews



Vuk'uzenzele

National Orders nomination information inside.





# Imithelela engunomphelo edalwa yi-GBVF ezinganeni

**I-GBVF INGABA** nomthelela obucayi empilweni yengane ngokomzimba kanye nasendleleni ekhula ngayo.



Allison Cooper

Izingane ezikhulela emakhaya anodlame olubhekiswe kwabobulili obuthile kanye nokubulalana kwabathandanayo (i-GBVF) zivame ukuzizwa zingenathemba.

Lokhu kushiwo nguDkt Dudu Ngubeni, ongudokotela ongungoti wezinkinga ezihambelana nokukhula kwezingane osebenza ku-Mnyango Wezempilo eGauteng, okuqinisekisa ukuthi zonke izinhlobo ze-GBVF zingukuphulwa kwamalungelo ezingane.

I-GBVF ichaza udlame oluhlose abantu noma amaqembu athile, ngokubuka ubulili babo. "I-GBVF iyinkinga esibhekene nayo emhlabeni jikelele edabukisa futhi edlange ngendlela eyethusayo eNingizimu Afrika," kusho uDkt Ngubeni.

"Ake ucabange nje ukuthi ukudlwengulwa nokushaywa kwezingane kuzenzani izingane. Phezu kokulimala emzimbeni nezinkinga zesikhathi eside emphefumleni nasengqondweni okungaholela ekuzibulaleni, lokhu kuphinde kube yizingqinamba zenhlalo, ukucwaswa kanye nokukhinshwa inyumbazane," kusho yena.

## Izimvubeko ezingapheli ze-GBVF

Umthelela we-GBVF uyehluka ezinganeni ngenxa yezici ezahlukahlukeni, ezinjengohlobo, ukuvama nobunzulu bokuhlukunyezwa. Ezinye izinto ezibangelana ukukhatha-

zeka emphefumleni emndenini, ezifana nomzali ogula ngengqondo noma oweqisayo otshwaleni nasezidakamizweni yizinkinga ezingenza umthelela ube bucayi kakhulu.

I-GBVF ingaba ngamazwi, ngokomzimba, ngokocansi noma ngokwengqondo.

Izingane zisengozini enkulu yezinkinga zemizwa nokuziphatha, noma ngabe zahlukunyezwa zona uqobo noma umuntu oyisihlobo sazo," kusho uDkt Ngubeni.

"Kuyiqiniso elaziwa jikelele ukuthi amadoda, ezikhathini eziningi, ngawo anamagunya nalawula abesifazane nezingane, futhi kaningi lokhu akwenza ngokusebenzisa udlame. I-GBVF yemuka izingane ithuba lokukhulela ezindaweni ezizokuzivumela ukuthi amakhono azo athuthuke ngokugcwele. Zingase zigcine sezingazweli buhlungu zifunde ukubona ukusetshenziswa kodlame njengezindlela ezifanele zokufeza izinhloso zazo," kusho yena.

Izingane ezincane ezikhula ngaphantsi kwesimo esine-GBVF zingase zikhombise ukukhathazeka noma ukwesaba okukhulu; ukucindezeleka; ukulahleka intshisekelo esikoleni, abangane noma kwezinye izinto ebezizithakasela ngaphambilini; izinkinga zokungalali kahle, kubandakanya amaphupho amabi noma ukuchama embhedeni; ukukhula kokwenza izinto ngendluzula; intukuthelo noma ushintsho endleleni ezidla ngayo.

Izingane ezindadlana zisabela ngendlela ehlukile. Abafana bangase babonakalise ngaphandle indlela abazizwa ngayo, ngokwenza izinto ngendluzula; ukusebenzisa udlame ukuxazulula izinkinga; noma ukusebenzisa utshwala noma izidakamizwa ngoba befuna ukukhohlwa ngazo zonke izinto eziphazamisayo nezimbi.

Izikhathi eziningi amantombazane wona avalela ukukhathazeka kwawo ngaphakathi. Angase ahoxe ezintweni, akhathazeke noma abe nokucindezeleka; abe nezinkinga zokungadli kahle noma azilimaze ngokuzisika noma ukusebenzisa utshwala noma izidakamizwa.

**"I-GBVF yemuka izingane ithuba lokukhulela ezindaweni ezizokuzivumela ukuthi amakhono azo athuthuke ngokugcwele."**

Ezimweni eziningi, imiphumela ye-GBVF ezinganeni iqhubeka isikhathi eside ngemuva kokuba ukuhlukunyezwa uqobo sekwadlula. Njengabantu abadala, nazo lezi zingane makhulu kakhulu amathuba okuba zithandane nabantu abanodlame naba-

bahlukumezayo." Ucwani-ngo seluveze ukuthi izingane ezikhulela ezindaweni ezine-GBVF zingakhula zikholelwa ekuthini ngokwemvelo abantu emphakathini nakwindlela abaphilisana ngayo abalingani. Bese nazo zenza okufanayo ezinganeni zazo," kuchaza uDkt Ngubeni.

## Izingane ingahle kube yizona ezibhebhethekisa i-GBVF

USiliziwe Mbambo, usonhlalakahle wokuvikelwa kwezingane e-Saartjie Baartman Center for Women and Children (i-SBCWC), uyavumelana nalokhu. "Ngokuhamba kweminyaka empilweni, ingane ingahle kube yiyo umhlukumezi noma icwile ezidakamizweni," kusho yena.

I-SBCWC isingatha amacala amasha e-GBVF nsuku zonke. "Iningi lezingane ziyizisulu ze-GBVF zona uqobo noma zazi umuntu oyisihlobo sazo oyizisulu, lokho-ke kuzibeka engcupheni enkulu. Lesi sikhungo sesiqaphele ukwanda kwesibalo sabantu abadinga usizo kanti kubona bonke kukhona udaba le-GBVF," kusho uMbambo.

Kolunye udaba, ingane yayizama ukuzibulala ngenxa yokuntuleka kokwesekwa, uthando nokunakwa ngabazali. "Abazali babehlale beshayana behilizisana nangakwamazwi, phambi kwengane. Ngenxa yalokho, ingane yaphelelwa umdlandla kwizinto zesikole nalithemba kumaphupha nekusasa layo," kusho uMbambo.

Izingane zivame ukulingisa

indlela yokuziphatha eziyibonile. Abafana bakufunda koyise ukuba nodlame kubantu besifazane. Amantombazane afunda konina ukuthi udlame luyinto ejwayelekile. Kodwa-ke, akuzona zonke izingane eziphindaphinda lo mkhuba. Eziningi ziyazama zigweme ukwenza amaphutha enziwe ngabazali bazo.

Izingane nentsha esencane ezikhule ngaphansi kwezimo ezine-GBVF kufanele zihlolwe uchwepheshe oqeqeshiwe wezempilo yengqondo, ozoncoma ukwelashwa okudingekayo ezingkingeni ezingokomzwelo nokuziphatha. Ukwelashwa kungafaka ukwelulekwa futhi, kwezinye izikhathi, imithi ingaba usizo. Umzali noma umnakekeli ongahlukumezi naye udinga ukwesekwa. **V**

**Ukuze uthole imininingwane ethe xaxa noma usizo lwezingane eziyizisulu ze-GBVF, shayela inombolo yosizo yamahlala ye-GBV Command Center ku: 0800 428 428 noma ucele usonhlalakahle ukuthi axhumane nawe ngokushayela u:\*120\*7867# kumakhalekhukhwini wakho.**

**Ungaphinde ushayele i-Stop Gender Violence Helpline ku: 0800 150 150 noma i-SBCWC ku: 021 633 5287.**